

आकाशवाणी

खास-खास खबरां:-

1. अमरीका ते ईरान बश्कार 107 दिनें थमां जारी जंग गी खत्म करने लेई समझौता होई गेआ ऐ।
2. प्रधानमंत्री नरेन्द्र मोदी अज्ज स्लोवाकिया दी राजधानी ब्रातिस्लावा च प्रधानमंत्री राबर्ट फिको हुंदे'नै गल्लबात करडन।
3. 52मां जी-7 शिखर सम्मेलन अज्जै थमां फ्रांस दे एवियान शैहर च शुरु होआ रदा ऐ।
4. उत्तर-प्रदेश दे गौतम बुद्ध नगर च जेवर स्थित नोएडा अंतराष्ट्रीय हवाई अड्डे थमां कारोबारी डोआरी आहली सेवा अज्जै थमां शुरु होआ रदी ऐ।
5. राष्ट्रीय परीक्षा एजेंसी आसेआ NEET दे UG पाठ्यक्रम च दाखले आस्तै परतियै लैते जा'रदे NEET-UG म्तेहान दे प्रवेश-पत्र जारी करी दिते गे न।
6. महिलाएं दे ICC T-20 विश्व कप दे ग्रुप-ए दे मुकाबले च कल रातीं एजबेस्टन च भारत ने पाकिस्तान गी 64 रन्जें कन्नै हराई दिता।

<><><><><><>

US- Iran Deal

अमरीका ते ईरान बश्कार 107 दिनें थमां जारी जंग गी खत्म करने लेई समझौता होई गेआ ऐ। एहदे कन्नै गै होर्मुज जल डमरु मध्य खुल्ली जाहग ते ईरानी बंदरगाहें थमां अमरीकी नाकेबंदी खत्म होई जाहग। अमरीका दे राष्ट्रपति डोनाल्ड ट्रम्प होरें कल रातीं सोशल मीडिया प्लेटफार्म ट्विटर पर इक समझौते बारे ऐलान कीता। शांति समझौते पर औंदी 19 जून गी स्वीट्जरलैंड च दस्तखत होडन। ट्रम्प होरें आखेआ जे होर्मुज डल डमरु मध्य समझौते पर दस्तखत दे बाद औंदे शुक्करवारें खुल्ली जाहग। उ'नें आखेआ ऐ जे इस ऐतिहासिक समझौते दे कन्नै पूरे खिते च शांति ते सुरक्षा बहाल होग।

ईरान दी सर्वोच्च राष्ट्री सुरक्षा परिषद ने आखेआ ऐ जे जंग ते लेबनान सनें सबनें मोर्चे पर फौजी कार्रवाई अज्जै थमां पक्के तौर पर बंद होई जाहग। इस बड़्डी खबर दे कन्ने तेल दिए कीमतें च कमी आई ऐ ते एशिया दे शेयर बजारें च उछाल दिक्खेआ गोआ ऐ।

ध्यानजोग ऐ जे अमरीका ते इज़राईल ने इस बरे 28 फरवरी गी ईरान पर हमले शुरू कीते हे। इ'नें महलें च ईरान दे सर्वोच्च नेता अयातुल्ला अली खामेनेई- सर्वोच्च राष्ट्री सुरक्षा परिषद दे सचिव अली लारीजानी- इस्लामिक रेवोल्यूशनरी गार्ड कोर दे कमांडर मोहम्मद पाकपोर ते रक्षा मंत्री सनें कैई लोक मारे गे हे। अयातुल्ला अली खामेनेई दे पुतर मुजतबा हुन ईरान दे सर्वोच्च नेता न- पर जंग शुरू होने दे बाद थमां उनें'गी सार्वजनिक रूप कन्ने दिक्खेया नैई गेदा ऐ।

<><><><><><>

PM -Slovakia

प्रधानमंत्री नरेन्द्र मोदी अज्ज स्लोवाकिया दी राजधानी ब्रातिस्लावा च प्रधानमंत्री राबर्ट फिको हुंदे'नें गल्लबात करडन। ओह स्लोवाकिया दे राष्ट्रपति पीटर पेलेग्रिनी कन्ने बी मलाटी करडन। प्रधानमंत्री मोदी फ्रांस दे बाद अपनी जातरा दे दुए चरण च कल रातीं स्लोवाकिया दी दंडु दिनें दी जातरा पर बतिस्लावा पुज्जे। उ'नें आखेआ जे इस जातरा कन्ने दौनें देशें दे सरबंध होर मजबूत होडन।

<><><><><><>

G-7 Summit

52मां जी-7 शिखर सम्मेलन अज्जै थमां फ्रांस दे एवियान शैहर च शुरू होआ रदा ऐ। त्रै-दिन दे इस सम्मेलन च जी-7 दे सदस्य मुख्य फ्रांस- अमरीका- ब्रिटेन- कनाडा- जर्मनी- इटली ते जापान हिस्सा लैडन। यूरोपीय संघ ते यूरोपीय आयोग दे अध्यक्ष बी सम्मेलन च शामिल होआ रदे न। एदे इलाव फ्रांस नै भारत. ब्राजील- मिस्र- Kenya- दक्खन- कोरिया- कतर- सऊदी अरब- सीरिया- यूक्रेन ते संयुक्त अरब अमीरात गी सम्पर्क सांझेदार मुखे दे तौर पर साददा दिते दा ऐ।

भारत 13मीं बारी इस सम्मेलन च सांझेदार मुख्य दे तौर पर शामिल होग। जी-7 शिखर सम्मेलन च उन्दी हिस्सेदारी वैश्विक भू-राजनीति च भारत दी महत्वपूर्ण भूमिका पर लोs पांटी ऐ।

<><><><><><>

Commercial Flights

उत्तर प्रदेश दे गौतम बुद्ध नगर च जेवर स्थित नोएडा अंतराष्ट्रीय हवाई अड्डे थमां कारोबारी डोआरी आहली सेवा अज्जै थमां शुरु होआ रदी ऐ। Indigo एयर लाईंस दी पैहली डोआरी बड्डलै 7 बज्जिए 5 मिन्ट पर लखनऊ थमां रवाना होइयै बड्डलै 8 बज्जिए 5 मिन्ट पर नोएडा अंतराष्ट्रीय हवाई अड्डे पर पुज्जी। एदे मगरा नोएडा थमां बंगलुरु आस्तै पैहली नियमित Commercial Flight शुरु होग। जेवर हवाई अड्डे थमां पैहली डोआरी बड्डलै 8 बजे शुरु होई। पैहली डोआरी राएं जेवर दे विधायक धीरेन्द्र सिंह हुंदे कन्नै 20 महिलाएं सनें 172 करसान लखनऊ जा'रदे न।।

<><><><><><>

NEET Admit Card

राष्ट्रीय परीक्षा एजेंसी NEET दे UG पाठ्यक्रम च दाखले आस्तै NEET-UG पुनः परीक्षा दे प्रवेश पत्र जारी करी दिते गे न। प्रवेश पत्र NTA दी आधिकारिक website www.nta.nic.in थमां डाउलोड कीते जाई सकदे न। एह इम्तेहान 21 जून गी दपैहरी 2 बजे थमां संज्रा सवा 5 बजे तगर होग।

<><><><><><>

Somvati Amavasaya

सोमावती अमावस्था अज्ज मुख्य भरै च मनाई जा'रदी ऐ। मुख्य दे होरनें हिस्सें आहला लेखा जम्मू च बी एह त्योहार धार्मिक श्रद्धा कन्नै मनाया जा'रदा ऐ। इस मौके पर लोक पवित्र पवित्र शैहर हरिद्वार जंदे न ते गंगा स्नान करदे न।

ताई जम्मू दी दो धार्मिक ते ऐतिहासिक थाहरें पुरमंडल जिसी छोटा काशी आखेआ जंदा ऐ ते उत्तर बैहनी जेड़ी गुप्त गंगा लेई मशहुर ऐ लोक जाइयै स्नान करा'रदे ऐ। हासिल जानकारी मुजब केई सारे श्रद्धआलु पवित्र देवका च बी स्नान करा रदे न ते मंदरै च पूजा-अर्चना करा'रदे न

<><><><><><>

DGP Security Reviews

पुलस महानिदेशक Nalin Prabhat होरें सुरक्षा सरबन्धी तरीकाकारें गी होर व्यापक बनाने दियां हिदायतां दितियां जेदे च निगरानी बदाना ते Quick Response Teams दी तैनाती शामिल ऐ-तां जे औंदी श्री अमरनाथ यात्रा गी सूचारु ते सुरक्षित ढंगै सिर करोआया जाई सकै। पुलस नियंत्रण कक्ष कश्मीर च उच्च सतह दी सुरक्षा जायजा बैठक लग्गी। DGP होरें सालाना यात्रा दी तयारियें दा जायजा लैता ते अफसरें गी हिदायत जारी कीती जे ओह जम्मू-कश्मीर च बड़ी मती सतर्कता ते चौकसी बरतन। उ'नें निगरानी होर बदाने- गश्त ते घेराबंदी करिए तपाशी अभियान दी व्यापक करने पर जोर पाया। उ'नें यात्रा आहले रस्ते रेलवे ट्रैक पर गश्त गी बनाई रक्खने पर जोर पाया।

<><><><><><>

Women WS

महिलाएं दे ICC T-20 विश्व कप दे ग्रुप-ए दे मुकाबले च कल रातीं एजबेस्टन च भारत ने पाकिस्तान गी 64 रन्जें कन्नै हराई दिता। भारत ने पाकिस्तान गी 171 रन्जें दा लक्ष्य दिता हा- जेहदे परते च पाकिस्तान दी टीम 17एं ओवरें च 106 रन्जें पर सिमटी गई। स्मृति मंधाना ने 44 गेंदें च सबनें शा मते 68 रन्ज बनाए। 5 विकेटां लैने आली दीप्ति शर्मा गी Player of the Match चुनेआ गेआ। कल खेड्डे गेदे इक होर मुकाबले च बंगालदेश ने नीदरलैंड गी 6एं विकेटें कन्नै हराया। नीदरलैंडस दे 138 रन्जें दे परते च बंगलादेश ने 19 ओवरें ते इक गेंद च 141 रन्ज बनाइयै मैच जिती लैता। 33 गेंदें च 50 रन्ज बनाने आली बंगलादेश दी खड्डआरन जुएरिया फिरदौस गी Player of the Match चुनेआ गेआ।

<><><><><><>